



Innuttaasunut paasissutissiineq Borgerinformation

Kalaallit Nunaanni nannut ajornartorsiutaasut

Kingullertigut nannut illoqarfinnut qaninngoortartut takuneqartarput. Aalisarnermut, Piniarnermut Nunalerinermullu Naalakkersuisoqarfiup (APNN) nannunik inoqarfiit eqqaannut pisunut ajornartorsiutaasunut iliuuseqarnissamik suliniuteqarpoq. Canadami Norgemilu pisortaniit misilittagaallualersimasut gumminik imassaliat aamma qasilitsumik serpartaatnik atuisinnaalernissaq misissuiffigineqarpoq.

Nalunaarummi atuuttumi § 12-imi allassimavoq: "Pinerluttulerinermi inatsimmi tamanna pillugu malittarisassat naapertorlugit imminut illersortariaqarluni iliortoqartariaqarluniluunniit nannuttoqarpat nannutaq tamarmi Namminersornerullutik Oqartussanut pigisassanngortinneqassaaq."

Nannunik naammattoorsinermi periusissanik ilitsersuutininik suliaqartoqareerpoq, uani ilaannik tigulaariffigineqarpoq. Erseqqissaatigineqassaaq nanoq/nannut inoqarfinnut qaninngoortut aatsaat imminut illersortariaqarluni iliortoqartariaqarluniluunniit toqunneqarsinnaammat. Pisoqartillugu APNN imaluunniit piniarnermut aalisarnermullu nakkutillisoq saaffigineqassaaq. Namminersorlutik Oqartussat ilitsersuutaat kisimik malinneqassapput.

Illoqarfiit nunaqarfiillu eqqaanni nannut

Nannut inoqarfinnut qanillattortut aallaasinik aallaalluni, kalerrisaarutit assigisaalluunniit atorlugit qimaatinniarneqassapput. Atortut savimminernik sanaat assersuutigalugu igat matui nipiliuutigalugit nannut qimaatinniarneranni aamma atorneqarsinnaapput. Umiatsiaqqat, qamuteralaat ATV-lluunniit nannut qimaatinniarneranni atorneqarsinnaapput.

Illoqarfiit nunaqarfiillu iluini aallaasinik atuinissaq inerteqqutaammat, nannup ataatsip arlallilluunniit illoqarfik nunaqarfilluunniit qanillartulerpassuk, politiinut kommunefoged-imulluunniit saaffiginnittoqartassaaq. Aammattaaq APNN-i attavineqassaaq.

Nanoq imaluunniit nannut arlallit illoqarfiit nunaqarfiilluunniit avataanni qimaasineqarpata APNN sumiiffimmilu piniarnermik aalisarnermillu nakkutillisoq attavineqassapput.

Qanorluunniit pisoqaraluarpat APNN, Politiit, sumiiffimmi piniarnermik aalisarnermillu nakkutillisoq aamma kommunefogedi nalunaarfigineqassapput.

Inoqarfiit iluanni "nannut ajornartorsiutaasut"

"Nannut ajornartorsiutaasut" imatut paasineqassapput qimaatinneqartaraluarlutik inoqarfinnut uteqattaartartut.

Toqutsinissamik akuersissuteqarneq

09-10-2015
Sags nr. 12323
Dok. nr. 1323089

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.naalakkersuisut.gl

Nannunik ajornartorsiutaasunik toqutsineq taamaallaat APNN-imit akuerineqarnikkut pisinnaavoq. Nannunik toqutsineq periarfissat kingullersarissavaat, tamannalu pisariaqarneris APNN pisumiit pisumut naliliisassaaq.

Toqutsinissamik qinnuteqarnek APNN-imut saaffiginnissutigineqassaaq aammalu uppersaateqarnissaq immikkuualuttunullu paasissutissiinissaq pisariaqarluni.

Assersuutigalugu:

- Ajoqusikkanik assilisat,
- isiginnittut eqqartugaat, nassuiaatigisaat
- Nannunik nannunilluunniit toqukkusutanik assit.

Politiit, kommunefogedi imaluunniit piniarnermik aalisarnermillu nakkutilliisoq aallaaviusumik toqutsisuussapput.

Nannunik toqutsisariaqaraanni qanoq iliortoqassava?

- Pisumi immikkoortualuit paasissutissiissutigalugit piniarnermik aalisarnermillu nakkutilliisoq aqutugalugu APNN piarnerpaamik nalunaarfigiuk.
- Malugiuk nannunik toqutamik tunniussinissaq pillugu ilitsersuuteqartoq. Suliamik suliarinneqqinnissamut APNN akisussaasuvoq.

Nannut inoqarfiit avataaniittut

Saassunneqatsaaliornek pitsaanerpaq tassaavoq ingalassimaarneq. Nannunik takunninnermi allamut nuuttoqartassaaq, pisassiissutitalimmik nannunniarneq ingerlatinngikkaanni. Nannunik takunninnermi Aalisarnermut, Piniarnermut Nunalerinermullu Naalakkersuisoqarfik (APNN) aamma piniarnermik aalisarnermillu nakkutilliisoq nalunaarfigineqartassapput. Attavissat quppernermi kingullermi takuneqarsinnaapput.

Nannunik takunnikkaanni qanoq iliortoqassava?

- Nanoq ingalassimajuk. Allamut nuugit
- Nannunik sumi takunnissimanerlutit sapinngisamik paasissutissat assigiinngitsut APNN aamma piniarnermik aalisarnermillu nakkutilliisoq nalunaaruteqarit.

Inoqarfinni tamakkulu eqqaanni nannunik arlalinnilluunniit takusinermi immersugassiaq APNN-ip innersuussutigaa. Ilitsersuutit misissorluarnissaat pingaaruteqarpoq. Immersugassiaq kommunip allaffianut saaffiginnilluni imaluunniit www.naalakkersuisut.gl -imi pissarsiarineqarsinnaapput.